

Broj: 01-11/2-1830-3/21
Sarajevo, 27.07.2021.godine

Na osnovu člana 69. stav 1. tačka b) i stav 2. tačka a) i člana 70. st. 1., 4. i 6. Zakona o javnim nabavkama („Službeni glasnik BiH“, broj 39/14), Rješenja Vlade Federacije BiH o ovlaštenju za potpisivanje akata iz nadležnosti Federalnog ministarstva za pitanja boraca i invalida odbrambeno-oslobodilačkog rata i čuvanju i upotrebu pečata Federalnog ministarstva za pitanja boraca i invalida odbrambeno-oslobodilačkog rata, („Službene novine Federacije BiH“, broj 33/21), a na preporuku Komisije za javne nabavke imenovane Rješenjem o imenovanju Komisije za provođenje postupka javne nabavke putničkih automobila ratnim vojnim invalidima 100 % prve grupe u 2021. godini broj: 01-30/3-1006/21 od 18.03.2021. godine („Službene novine Federacije BiH“, broj 24/21), u postupku javne nabavke otvoreni postupak „ Nabavka vozila za ratne vojne invalide 100% I grupe“, Federalno ministarstvo za pitanja boraca i invalida odbrambeno-oslobodilačkog rata donosi:

ODLUKU o poništenju postupka javne nabavke

Član 1.

Poništava se postupak javne nabavke otvoreni postupak „ Nabavka vozila za ratne vojne invalide 100% I grupe“, po Obavještenju o nabavci broj: 746-1-1-19-3-9/21, koje je objavljeno na e portalu javnih nabavki dana 01.06.2021. godine, a iz razloga jer nije dostavljena nijedna ponuda u ostavljenom krajnjem roku, shodno članu 69. stav 2. pod a) Zakona o javnim nabavkama.

Član 2.

Ova odluka objaviti će se na web stranici Federalnog ministarstva za pitanja boraca i invalida odbrambeno-oslobodilačkog rata u skladu sa članom 70. stav 6. Zakona o javnim nabavkama.

Obrazloženje

Postupak javne nabavke – otvoreni postupak „ Nabavka vozila za ratne vojne invalide 100% I grupe“, pokrenut je Odlukom o pokretanju postupka javne nabavke broj: 01-11/2-1057/21 od 22.03.2021.godine.

Obavještenje o nabavci broj: 746-1-1-19-3-9/21 objavljeno je na Portalu javnih nabavki dana 01.06.2021. godine („Službeni glasnik BiH“, broj 34/21).

Tenderskom dokumentacijom i obavještenjem o nabavci predviđen je rok za prijem ponuda 26.07.2021.godine do 15.00 sati, a javno otvaranje ponuda predviđeno je za dan 26.07.2021.godine u 16.00 sati.

Obzirom da do 15.00 sati nije dostavljena niti jedna ponuda poništava se postupak javne nabavke - otvoreni postupak „ Nabavka vozila za ratne vojne invalide 100% I grupe “.

Komisija je Zapisnikom o pregledu i ocjeni broj: 01-11/2-1830-2/21 od 26.07.2021. godine dala preporuku ugovornom organu da predmetni postupak javne nabavke poništi, te je u skladu sa članom 69. stav 1. tačka b) i stav 2. tačka a) Zakona o javnim nabavkama Bosne i Hercegovine („Službeni glasnik BiH“, broj 39/14), odlučeno kao u članu 1. ove odluke.

POUKA O PRAVNOM LIJEKU:

Žalba na Odluku o poništenju postupka izjavljuje se URŽ-u putem ugovornog organa u roku od 10 dana od dana prijema Odluke.

Po ovlaštenju Vlade Federacije BiH
POMOĆNIK MINISTRA

Mirza Terzo



Dostavljeno:

- 1.Kabinet ministra
- 2.Komisiji za javne nabavke
- 3.a/a